



**Crisis Theologica**

**Cárdenes, Juan de**

**Sevilla, 1687**

Cap. I. Referuntur propositiones damnatæ; & prænotantur aliqua.

---

[urn:nbn:de:hbz:466:1-75689](#)

suctudinem peccandi, cuius emendatio-  
nis nullam ipsam habet confessarius, sed  
tamen habet satisfactionem de dolore,  
& firmo propositio emendationis, non  
potest negare, aut differre absolutio-  
nem. Et quidem hanc propositionem  
probabimus esse falsam, eo, quod cō-  
fessarius, ut Medicus Spiritualis po-  
test adhibere remedia ad vitandum  
recidivum; vnum autem remedium  
eiusmodi esse solet dilatio absolutio-  
nis.

64. Sed quamvis præfata pro-  
positio sit falsa, non tamen subit hanc  
damnationem. Hæc enim damnatio  
procedit respectu illius, qui cum nul-  
la sit spes emendationis, ore tenus di-  
cit, se dolere, & proponere, id est, sine  
vullo indicio, quod illud dicat ex ani-  
mo. Propositio autem, de qua loqui-  
muri, omnino mutat hypothesisim, sup-  
ponit enim confessarium, facto pru-  
denti examine, cognoscere, eiusmodi  
penitentem dolere, & firmiter pro-  
ponere ex animo.



## DISERTATIO XL.

*Qua ratione teneamur fugere  
occasione proximam peccandi  
lethaliter? Vbi, an possit absolu-  
ti, qui cum possit, non vult  
illam deserere?*

## CAPVT I.

Referuntur propositiones dam-  
nata; & prænotantur  
aliqua.

## SVMMARIVM.

*Quot propositiones exponenda, & cur  
ista adnatæ n. i.*

Referuntur tres propositiones dama-

natae.

Quotuplex questio hic includatur. n. 3.

Quædam alia discutienda pro maiori  
rei declaratione. n. 4. & 5.

1. IN præsenti Dissertatione sermo-  
erit de illis propositionibus,  
quarum doctrina spectat ad occasio-  
nem peccandi. Et quia materiæ ip-  
sius affinitas eas inter se coniungit,  
nos illas, ut obiectum propositæ di-  
sertationis in eâdem advnamus. Di-  
seremus itaque de tribus propo-  
sitionibus, quas vñico prospectu proponi-  
mus illâ ipsa serie, qua in damnatione  
proponuntur, & comprehendunt  
doctrinâ de occasione proxima pec-  
candi, & obligatione illam vitandi  
pro obtainenda Sacramentali, absolu-  
tione.

2. Igitur Propositio inter dam-  
natas sexagesima prima hæc est. Po-  
test aliquando absolvî, qui in proxima  
occasione peccandi versatur, quam po-  
test, & non vult omittere, quin imo  
directe, & ex proposito querit, aut ei  
se ingerit. Sic se habet sexagesima  
secunda. Proxima occasio peccandi non  
est fugienda, quando causa aliqua uti-  
lis, aut honesta non fugiendi occurrit.  
Huius tenoris est sexagesima tertia.  
Licitum est querere directe occasionem  
proximam peccandi pro bono spirituali,  
vel temporali nostro, vel proximi.  
Et quidem de hac materiâ proximæ oc-  
casione peccandi latissime egit in 1. p.  
cris. Theol. disp. 18. Ex qua de pro-  
mam, quæ ad harum propositionum  
expositionem necessaria sint.

3. Præmittendum itaque est pri-  
mo, sub titulo huius dissertationis cō-  
tineri tres quæstiones circa has tres  
propositiones damnatas, spectantes  
ad occasionem proximam peccandi.  
Prima quippe est de potestate absol-  
vendi eum, qui vult persistere in oc-  
casione proximâ peccandi. Secunda,

Xxxv de

de causa sufficienti ad persistendum  
licite in ea occasione proximâ. Tertiâ , de causa iustâ ad quærendam di-  
rectè occasionem proximam pec-  
candi.

4. Præmittendum est secundo,  
in his tribus quæstionibus includi-  
plures alias , quas singillatim oportet  
discutere , pro maiori huius materiæ  
claritate , vt pote quæ ab istarum eno-  
datione omnino dependeat. V.g. quæ,  
& qualis dicenda sit proxima occa-  
sio peccandi : an , & quale periculum  
peccandi includatur in occasione  
proximâ : in quantum , & quomodo  
teneamur vitare periculum peccandi  
ad fugiendam proximam occasiōne  
peccati. Sunt etiam his similes plu-  
res aliæ quæstiones , de quibus satis  
constabit de cursu totius disertatio-  
nis.

5. Præmittendum tertio,  
etiam esse plures quæstiones , quæ di-  
versimode à Theologis agitantur , &  
hic discutiendæ sunt propter mate-  
riæ , vel connexionem , vel idemtitati-  
tem : sunt enim vel doctrina ipsa  
damnatarum propositionum , vel  
obiecta connexa cum eadem doctri-  
nâ: ideoque necessaria earum notitia  
pro pleniori præsentis materiæ cogni-  
tione , desumenda quidem tum ex  
principijs , quibus nitebatur doctrina  
damnata , tum ex illationibus , quæ ab  
ipsa deducuntur.

## C A P V T II.

*Quid sit, & per quid cōstituitur  
proxima occasio peccandi ? Vbi  
etiam, quid sit, & quotuplex  
peccandi periculum?*

## S U M M A R I V M .

*Difficultas exponendi occasionis proximi-  
ma quidditatem. n.6.*

Duplex est occasio peccandi , proxima ,  
& remota , & singularum descrip-  
tio. n.7.

Occasio proxima cōstituitur per duplex  
prædicatum. n.8.

Discrimen inter periculum proximum ,  
& proximam occasionem peccandi.  
num 9.

Quid sit peccandi periculum. num.10.  
& seq.

Periculum est multiplex. n.13 & seq.

Licet periculum dicatur necessarium ,  
ad huc manet liberum absolute , quia  
necessarium dicitur respectu ex-  
trinsecæ circumstantia. n.22.

6. **A** Liqui recentiores magnam  
inveniunt difficultatem in  
explicando , quid sit occasio proxima  
peccandi. P. Dicastillo tom. 2. de Sa-  
cram. tract. 8. disp. 6. dub. 19. nū. 327.

*Dicitur:*  
ait : *Celebris est distinctio proxime , &*  
*remotæ occasionis , quamvis non facile*  
*sit plene explicare quænam sit occasio*  
*proxima.* Et postquam proposuit de-  
finitionem P. Suarez mox subiicien-  
dam subiungit: *Poſt Suarezum alij(eo-*  
*dem modo explicant) qui tamen mul-*  
*ta dicunt , nec facile est explicare exac-*  
*te , in quo consistat ratio proxima occa-*  
*sionis.* Ego tamen existimo non dif-  
ficile explicari , si exponatur per for-  
male periculum peccandi. Et diffi-  
cultas dumtaxat consistit in iudican-  
do , an hic & nunc attentis omnibus  
circumstantijs , detur formale pericu-  
lum peccandi : quamvis in concubi-  
natu , & similibus facilius dignosca-  
tur. Quare optime dixit P. Suarez  
proxime citandus : *vix potest certa*  
*regula tradi , quia tota hac res ma-*  
*xime pondet ex prudentia Confessoris.*

6. Igitur occasio peccandi est du-  
plex , alia proxima , & alia remota.  
Proximam sic describit P. Suarez  
tom. 4. in 3. part. disp. 32. sect. 2. num 4.  
*Quæ ex suo genere talis sit , que fre-*  
*quenter inducat homines similis con-*  
*dij-*